

小爾雅訓纂

小爾雅訓纂卷第一

長洲朱翔鳳記

廣詁一

淵懿邃蹟澗也

毛詩其心塞淵傳淵澗也又女執懿筐傳懿筐澗筐也禮記玉藻天子玉藻十有二旒前後邃延陸德明音義云邃澗也按白虎通紉冕云冕所以前後邃延者何示進賢遏不能也垂旒者示不視邪此皆謂延之前後出於武者皆澗邃耳劉昭後漢輿服志注解邃爲垂非雅訓也鄭康成玉藻注云天子以五采纁爲旒一十有二前後邃延言皆出冕前後而垂也天子齊肩延冕上覆也元冕朱裏周禮弁師掌王之五冕皆元冕朱裏紉紐五采纁十有二就皆五采玉十有二注云延冕之覆在上是以名焉五采絲謂之繩垂於延之前後各十二所謂邃延也後漢輿服志孝明皇帝永平二年初詔有司采周官禮記尚書臯陶篇乘輿服從歐陽氏說公卿以下從大小夏侯氏說免前垂四寸後垂三寸三公者侯

夫皆有前無後是鄭用歐陽說也按大戴禮子張問入官篇古者冕而前旒所以蔽明也知垂旒在前若有後旒其義無取淮南主術冕而前旒高誘注前旒前後垂珠非也又按郊特牲戴冕璪上有二旒則天數也鄭注天數不過十二如一冕前後具二十四旒亦違則天之義當以夏侯說爲正荀子正名云嘖然而不類楊倞注嘖與蹟同蹟漢也說文解字無蹟字易繫辭言天下之蹟音義蹟京作嘖漢祝睦碑擗嘖窮神督郵班碑嘖意五業范式碑擗嘖研機並作嘖

封巨莫莽艾祁大也

舊注封豕莫府祁寒皆言大也艾亦爲久

方言巨大也齊宋之間曰巨史記楚元王世家與賓客過巨嫂食集解徐廣曰漢書云巨嫂也索隱應劭曰巨姓也孟康云丘空也兄亡空有嫂也今此作巨巨大也按作巨近是淮南修務云莫器大心高注莫大也驚衆也主大衆之官史記廉頗蔣相如傳市租皆輸入莫府如淳曰將軍征行無常處所在爲治故言莫府莫大也索隱云如淳解莫爲大非也崔浩云古者出征爲將帥軍還則罷理無常處以幕帟爲府

署故曰莫府則莫當作幕字之誤按莫通爲幕昭十三年左傳以幄幕九張行杜注幄幕軍旅之帳正義幕大而幄小幄在幕下張之楚辭招魂離榭修幕王逸注幕大帳也知幕亦取大義段借作莫無庸改字也爾雅釋魚蟒王蛇郭注蟒蛇最大者故曰王蛇按說文無蟒字正當作莽故漢書王莽字巨君也毛詩福祿艾之傳云艾養也爾雅釋詁艾具長養二義長養則可大皐陶謨俊又在官馬鄭注云千人曰俊百人曰又漢書谷永傳引作俊艾在官艾又字通俊艾並可訓大也定公十四年左傳曷歸我艾緞杜注艾老也老大義通毛詩夜未艾傳艾久也故宋咸以爲艾亦爲久毛詩其祁孔有傳祁大也箋云祁當作麇麇麇牝也禮記緇衣篇君雅曰夏日暑雨小民惟曰怨資冬祁寒小民亦惟曰怨注云資當爲至齊魯之語聲之誤也祁之言是也齊西偏之語也夏日暑雨小民怨天至冬是寒小民亦怨天言民恒多怨爲其君難東晉尙書君牙傳訓祁爲大鄭不用小爾雅故兩注皆異舊讀以蒙論之宜以大義爲長

頌賦鋪敷布也

周禮大宰匪頒之式注鄭司農云匪分也頒讀爲班布之班謂班賜也元謂王所分賜羣臣也按說文頒大頭也从頁分聲一曰鬢也詩曰有頒其首班分瑞玉从珎从刀是班布之班當从珎刀頒爲段借字又按說文支部彼分也周書曰乃惟孺子彼亦讀與彬同是班彼頒三字通用毛詩明命使賦傳賦布也釋名敷布其義謂之賦漢書趙充國傳田事出賦人二十晦又陳湯傳賦子城郭諸國顏師古注並云賦謂班與之也毛詩鋪敷敦准墳韓詩作敷敦鋪敷義相近

蓋戴燾蒙冒覆也

釋名載戴也在其上也又云戴載也戴之於頭也是戴爲在上之稱故釋爲覆孝經援神契曰抱戴注亦云在上曰戴說文燾溥覆照也从火壽聲經典通爲燾

鍾崇府最積灌聚樸叢也

舊注詩灌木
樸叢皆叢義

昭元年左傳崇卒也杜注崇聚也大戴禮千乘篇修其灌廟呂氏春秋問其叢社大祠灌廟卽叢社也

子明鬼篇必擇木之修茂者立爲蕞位蕞當是蕞字
卽叢社也詩棫樸正義曰爾雅釋木云樸枹者孫炎
云樸屬叢
生謂之枹

閱搜履庀具也

衆經音義廿四引小爾雅云閱具也具數於門中白
閱也按末句疑是李軌注語說文閱具數於門中也
按字亦通蒐成十六年左傳蒐稟補卒杜注蒐閱也
公羊桓六年何氏說比年簡徒謂之蒐三年簡車謂
之大閱五年大簡車徒謂之大蒐是蒐閱皆有閱數
義也禮記祭義禮者履此者也必備具而後成禮故
履亦
訓具

攻爲語相旬宰營匠治也

舊注語旬未詳餘皆常義

說文語會合善言也从言昏聲傳曰告之語言爾雅
釋詁語言也舍人注語政之善言也廣雅釋詁語調
也言會合言政言調皆與治義通般庚乃語民之弗
率語亦當訓治廣雅釋詁旬治也王給事念孫疏證

云大雅其下侯旬毛傳旬均也字通作洵爾雅洵均也郭云謂調均也是治之義周禮均人凡均力政以歲上下豐年則公旬用三日焉中年則公旬用二日焉無年則公旬用一日焉鄭注旬均也讀如營營原隰之營易坤爲均今書亦有作旬者旬均聲義並同

蠲被禋屑潔也

書禮于六宗馬融云禋精意以享也精潔義同屑說文作屑从尸冂聲毛詩不我屑以傳屑潔也潔依說文當作絜廣韻十六屑潔清也經典用絜玉篇部絜字注云俗絜字是从水从欠之字皆俗體矣

勿蔑微曼末沒無也

毛詩喪亂蔑資傳易剝牀以足蔑貞凶馬融虞翻注並云蔑無也論語亾之命矣夫漢書宣元六王傳作蔑之命矣夫顏注引論語作蔑云蔑無也言命之所遭無有善惡則論語作亾亦當讀無字也曼俗通作漫

隆巢岸峻高也

爾雅釋樂大笙謂之巢孫炎注巢高大也成十六年左傳楚子登巢車音義巢說文作礫兵車高如巢以望敵也毛詩誕先登于岸傳岸高位也說文岸水厓而高者說文無峻字毛詩駿命不易駿極于天傳並云駿大也高大義相近禮記引詩並作峻隸書之俗也文選江賦注引小雅曰峻高也

逼尼附切局鄰傳戚近也

逼通作偏漢書賈誼傳顏注偏古逼字說文無逼偏字釋元應衆經音義十三畱塞注引方言畱滿也今本方言作腹滿曰偏丁度集韻云偏或作畱是當以畱爲正字也左傳莊公廿二年晉桓莊之族偏謂強盛逼近君也葆琛先生云僖公廿四年呂卻畏偏亦畏文公之強盛偏近在國也文公七年諸大夫皆患穆嬴且畏偏以秦送公子雍多與徒衛故畏其偏若呂卻之畏文公非如杜注所云畏國人以大義偏已也說文尼從後近之揚雄甘泉賦靈迤迤兮廣韻十二霽迤近也說文無迤字作尼爲正尼又通塗泥之

泥釋名云泥邇也邇近也以水沃土使相黏近也爾雅水潦所止泥邱音義泥字作尼附依說文當從土作坳亦可通傅班固漢書附並作傅毛詩戚戚兄弟傳戚戚內相親也親近義同書未可以戚我先王某氏傳戚近也

劭媚旨伐美也

劭舊本作邵邵从邑是邑名文選頭陀寺碑身逾遠而名劭注引小雅曰劭美也劭从力今據改說文劭勉也字亦通邵說文邵高也从下澹言修身篇公儀子董仲舒之才之邵也注云邵高也高美義相近太史公書明其等曰伐莊十八年左傳且旌君伐注伐功也功美義相成

賢衰繁優饒夥多也

說文賢多才也儀禮鄉射禮釋獲者遂進取賢獲注賢獲勝黨之算也又云若右勝則曰右賢於左若左勝則曰左賢於右注賢猶勝也此竝据算純之多少言說文無衰字爾雅釋詁衰多也音義衰古字作衰

本或作桴則褒是正字易哀多益寡唐開成石經哀
作褒集解侯果曰哀聚也音義哀鄭荀董蜀才作桴
云取也字書作掎廣雅云掎減按說文十二篇下桴
引取也从手孚聲抱桴或从包又云掎把也今鹽官
入水取鹽爲掎从手音聲則掎亦有取義凡經典哀
字皆當作褒詩原隰哀矣藝文類聚廿一引作褒玉
篇說文繫傳引作桴毛傳亦云哀聚也聚與取義相
成聚則多矣故此云多也說文八篇下裘衣博裾从
衣保省聲保古文保說文三篇下采省采古文采
古文保又八篇上云保養也从人从采省采古文采
重文禾古文保又重文保古文保不省按褒字下之
保字當是重文从手旁作採當作採古文褒字小篆
省作桴遂更見於手部傳說文者既誤以採从人爲
古文保故於保字下既重禾字以爲古文保字矣又
重一保字云古文保不省以成褒下之誤遂致學者
不識採字爲褒字之古文則知鄭荀易作採者爲古
文字耳方言凡物盛多謂之寇齊宋之
郊楚魏之際曰夥說文廣雅並作禦

幾蔡模臬泐也

舊注蔡取著
龜義亦泐也

廣韻幾近也近則可泐書一日二日萬幾幾字馬鄭無注應取泐義漢書王嘉傳作一日二日萬機機與幾通周禮大司徒六曰泐幾注幾謂呵禁亦取泐禁義禹貢二百里蔡馬融注蔡泐也受王刑泐而亡昭元年左傳周公殺管叔而蔡蔡叔杜注蔡放也音義上蔡音素葛反說文作繫音同字从殺下米下蔡如字是蔡又音殺放流亦刑法之一也論語臧文仲居蔡鄭康成包咸並云蔡國君之守龜出蔡地因以爲名焉是著蔡之蔡因地得名不取泐義也舊注非爾

爰換變質交更易也

僖十五年左傳晉於是乎作爰田
服虔曰爰易也毛詩抱布買絲

生造奏詣進也

說文生進也象草木生出土上故廣雅云生出也王制升於司徒者不征於鄉升於學者不征於司徒曰造士鄭注造成也書敷奏以言某氏傳奏進也又泉益奏庶鮮食傳奏謂進於民說文舉舉進也从本

中中上進之義玉篇詣往也到也至也與進義相近

索寒揆哀鉤掠採畧取也

易揆噴索隱春秋傳悉索敝賦揆索並取義寒通作揆說文揆拔取也南楚語从手寒聲楚詞曰朝揆阝之木蘭按今本楚詞揆作搯方言揆取也楚謂之揆注揆一曰騫說文無搯揆字知揆是正字寒騫爲段藉鹽鐵論散不足篇煎魚切肝羊淹雞寒寒字同此謂於湯中取雞李善文選七啟寒芳苓之巢龜當亦謂揆雞解之疑末是文選七啟寒芳苓之巢龜當亦謂揆取之也衰字當作衰說詳上注掠字說文無徐鉉曰唐韻或作櫟則字正作櫟說文采掇取也从木爪此作採者俗字

開徹接通達也

周書程典春德德開開乃無患晉語夫樂以開山川之風開竝訓迪

固厯彌宿舊尙久也

衆經音義廿四引小爾雅固亦故也按此或是注文
晉語樂書曰臣固聞之魏策蘇代曰是三人皆以太
子非固相也注並解固爲久史記魯世家咨於固實
徐廣曰固一作故是固亦通故故爲久也月令國多
固疾鄭注生不充性有久疾也書序歷試諸難蓋舉
舜詢事考言三載故云久試也魏志管寧傳注引今
文尚書曰優賢揚歷謂揚其所歷試按此出夏侯等
書般庚文優賢謂優異賢人揚歷謂激揚其久任者
說文彌久長也从長爾聲是
作彌者俗周書謚法彌久也

彌愈滋強益也

士冠禮三加彌尊注彌猶益也按衆經音義九卷引
此作逾滋強益也無彌字同卷又引逾仍作愈說文
無愈字凡病愈之愈作瘳从疒愈益之愈作逾从辵
亦通爲俞此文正當从辵作逾呂覽務大篇欲榮而
逾辱高誘注逾益也淮南原道篇亂乃逾滋高誘注
逾滋益甚也越語辭俞卑禮俞尊韋昭注俞益也廣
雅釋詁俞益也漢書禮樂志沸俞甚而無益食貨志
民俞勤農竝以俞爲古愈字強字當作彊說文彊乃

有力从弓，疆聲強，斬也从虫。
弋聲，經典通用，段借字也。

赫斲爽曉昕著讚曙明也

衆經音義廿四引此作赫燿明也。文選魯靈光殿賦
赫燿燿而燭坤，注燿光明兒。按說文無燿字，當段借
作斲著字。說文無荀子王霸篇著仁義楊倞注著明
也。著从竹，廣韻太聲，著同著。則段七著之著爲著明
之著，隸書艸艸同形，本無區別。故漢衡方碑墓竹作
某，廿也。說文無讚字，易幽贊於神明而生蓍，書思曰
贊，贊襄哉。字當作贊，曙說文作曙，旦明也。
从日者，聲文選魏都賦注引說文作曙。

皆附襲就因也

皆與
借同

封畛際限疆界也

說文疆界也。从田，三其界畫也。重文疆畺，或从
弓，土莊廿一年左傳武公之畧，杜注畧界也。

承第班列次也

昭十三年左傳子產爭承曰天子班貢輕重以列杜注承貢賦之次列位也晉語梁由靡御韓簡號躬爲右以承公韋昭注承次公車也皆次字之義第字當作弟說文弟韋束之次弟也从古字之象故韋編亦稱篇弟兄弟字亦取此隸書於篇弟字从廿作第當是从竹弟省聲段若膺以爲說文本有此字今脫落姑存以俟攷

戶悛格扈止也

舊注戶取其闔礙悛取其改皆止之義

唐開成石經宣十二年左傳屈蕩戶之漢書王嘉傳坐戶殿門失關免注師古曰戶止也嘉守殿門止不當入者而失關入之故坐免也春秋左氏傳曰屈蕩戶之文選范蔚宗宦者傳論注引左傳亦作屈蕩戶之今本左傳戶作尸杜注尸止此脫畫之誤尸無止義也隱六年左傳長惡不悛杜注悛止也論語有恥且格格有止義昭十七年左傳九扈扈民無淫杜注扈止也公羊閔元年傳僕人鄧扈樂左傳作圉人樊

則扈園字通公羊宣十二年傳廝役扈養何
休注養馬者曰扈扈與園並取禦止之義

幽噎闇昧冥也

爾雅陰而風曰噎說文暗日無光也从日音聲闇閉
門也从門音聲則冥暗之暗當从日闇爲段藉字說
文冥幽也从日从六一聲日
數十六日而月始虧幽也

最凡目質要也

周禮司會書契版圖注契其最凡也賈疏最凡謂計
要之多少以爲契要漢書嚴助傳願奉三年計最晉
灼曰最凡要也又萬石君傳凡號奮爲萬石君顏注
凡最計也周禮小宰八成六曰聽取予以書契七曰
聽賣買以質劑八曰聽出入以要會注鄭司農云書
契符書也質劑謂市中平賈今時月平是也要會書
計最之簿書月計曰要歲計曰會故宰夫職歲終則
令羣吏正歲會月終則令正月要元謂書契謂出子
受人之凡要凡簿書之最目獄訟之要辭皆曰契春
秋傳曰王叔氏不能舉其契質劑謂兩書一札同而

別之長曰質短曰劑又宰夫八職一曰正掌官灋以治要二曰師掌官成以治凡三曰司掌官灋以治目四曰旅掌官常以治數注正辟於治官則芻宰也治要若歲計也師辟小宰宰夫治凡若月計也司以上士中士治日若今日計也旅辟下士治數每事多少異也按數最爲目目最爲凡凡最爲要要者數之摠管子君臣篇君立三階之上南面而受要尹知章注要百吏之目也說文與身中也象人要自臼之形从臼交省聲甯古文要是要也

疆窮充竟也

詩萬壽無疆士冠禮黃耇無疆毛傳鄭注疆並訓竟此疆爲竟界之竟下二字爲究竟之竟从土作境者俗字墨子旗幟篇竟士爲雲旗畢尙書注意士猶云疆士則疆或通作疆

而乃爾若汝也

此汝正作女从水作汝者水名經典段藉字

控轡挽引也

毛詩控于大邦傳控引也說文彎持弓闕矢也
又輓引之也从車免聲此从手作挽者俗字

承贊涼助佐也

聘禮大夫爲承贊承有佐義毛詩涼彼武王傳涼佐
也音義涼本亦作諒佐也韓詩作亮云柜也按說文
無亮字从諒爲正涼又段藉字也毛氏傳古文故作
涼魯韓詩今文故从俗作亮漢書王莽傳陳崇奏引
詩作亮西京人多据魯詩也東晉尚書畢命正義引
釋詁亮佐也今爾雅無此文蓋卽据此而易亮字以
就正文爾廣韻引說文有亮字此不可遽信唐人已
有引字林爲說文者安知非字林之字又唐人每引
說文音豈亦出
叔重本書乎

尋由以用也

莊廿八年左傳今令尹不尋諸仇讐又僖五年傳將
尋師焉尋並訓用毛詩右招我由房傳由用也易由

豫鄭注由用也書若顛木之有由斲某氏傳如顛仆之木有用生斲是解由爲用說文無由字說文粵木生條也从弓由聲商書曰若顛木之有粵拊古文言由拊按說文知古文書作由今文从弓作粵蓋小篆及隸皆作粵古文省作由而說文所載古文亦無由字者漢書藝文志史籀十五篇周宣王太史作大篆十五篇建武時亡六篇矣則由字當在所亡六篇中雖見古文尙書亦不輕據以補之從蓋闕之義也又如說文稀从禾希聲此希字亦古文周禮希曷鄭讀希爲絺周禮亦古文蓋亦在史籀亡篇中故說文無希字而偏旁則用之也

肆赴捷疾也

毛詩肆伐大商傳肆疾也說文赴趨也趨有疾義儀禮既夕注赴走告也今文赴作計告喪貴疾速故云赴

造之如適也掇叔撫拾也

毛詩薄言掇之傳掇拾也又九月叔苴傳叔拾也說文同一本作督聲與叔相近可通用禮記文王世子君王其終撫諸注撫猶有也掇拾亦有義宣十二年左傳撫弱耆昧杜注撫而取之按此謂國之昏亂而致弱者則可拾而取之故上文云取亂侮亾兼弱也正義以爲撫養而取之是未知撫有拾義不可從

肆子燼餘也

肆當作肆禮記玉藻肆束及帶注肆餘也毛詩伐其條肆傳肆餘也斬而復生曰肆襄廿九年左傳晉國不恤宗周之闕而夏肆是屏注夏肆杞肆餘也方言烈栝餘也秦晉之間曰肆文四年左傳以爲肆業及之也音義肆習也依字作肆曲禮大夫與士肆音義肆本又作肆同依二反肆書二形相近沿訛久矣說文肆火餘也从火肆聲徐鉉曰肆非聲疑从肆省今俗別作燼非是

拓斥啟闢開也

揚雄甘泉賦拓迹開統應劭曰拓廣也廣卽開義史記貨殖傳塞之斥也索隱斥開也相如傳云邊塞益

所是也

杜實充物塞也實物滿也

周禮大司馬犯令陵政則杜之注王霸
記曰杜之者杜塞使不得與絕國交通

獎率勵勸也勤勉事力也

獎說文作獎喉犬厲之也从犬將省聲蓋藉爲獎厲
字方言獎欲也晉趙曰獎自關而西秦晉之間相勸
或曰獎凡相被飾亦曰獎漢書衡山王傳皆將養勸
之顏注將讀曰獎是獎亦通將勵說文無經典通作
厲書庶明厲翼周書和寤厲翼于尹氏八士並勸厲
義漢書勸厲字並作厲說文勸勉力也周書曰用勸
相我邦家讀若厲从力萬聲又勉彊也从力免聲衆
經音義六勉古文勸同又引小雅勸勉力也衆經音
義八勸莫芥反埤蒼云勸強也勉也勤也經文或作
勵按說文勸讀若厲則勸當爲勸勵之正字故衆經
音義經文勸亦通勵今讀與邁同音者非也說文以
勸與勉爲二字又以勉力解勸則勸非勉之古文明

矣爾雅釋
詁事勤也

經屑省過也

經當作淫文選七發注引爾雅曰淫過也今爾雅無
此文當是小爾雅昭元年左傳淫生六疾杜注淫過
也公羊莊十七年疏何氏云鄭聲淫與服君同皆謂
鄭重其手而音淫過非鄭國之鄭也書多士大淫泆
有辭某氏傳大爲過逸之行音義泆又作佻注同馬
本作屑云過也屑亦通溢溢亦過也故論語八佾漢
書作八溢按說文屑从尸有聲隸作佻从人亦通其
作屑者俗公羊春秋莊廿二年春王正月肆大省傳
大省者何災省也過則爲災故傳謂災省省二傳作
省亦訓爲過潛夫論述教篇云尙書康誥王曰於戲
封敬明乃罰人有小罪匪省乃惟終自作不典式爾
有厥罪小乃不可不殺言恐人有罪雖小然非以過
差爲之也乃欲終身行之故雖小不可不殺也可則
是本頑凶思惡而爲之者也乃有大罪匪終乃世省
哉適爾旣道極厥罪時亦不可殺言殺人雖有大罪
非欲以終身乃過誤爾是不殺此引康誥省並作省

而解爲過康詒非音義
音本亦作省則二字互通

闕缺閒隙也

說文闕門觀也闕文闕字从此論語蓋闕如也荀子
大畧篇言之信者在乎區蓋之間漢書儒林傳疑者
丘蓋不言廣雅釋詁邱空也丘與區區與闕聲通轉
皆閒隙之義說文缺器破也史記五帝紀書缺有閒
孔子世家由彼缺也缺並與闕通說文閒隙也从門
从月徐鍇曰夫門夜閉閉而見月光是有閒隙也

迭遞交更也

文選計四陸士衡詩注引小雅曰遞迭更
也衆經音義十六引小爾雅遞迭迭更也

燔剗沒滅也

襄廿六年左傳王夷師燔注吳楚之間謂火滅爲燔
說文無燔字呂氏春秋觀世篇以兵相剗高誘注剗
滅也說文亦無剗字衆經音義十四剗古文鏟同漢
校官碑禽姦姦猾剗作姦是鏟姦字通用說文沒作

漫沈也从

水从叟

廟今驪幼黑也

檀弓夏后氏尙黑戎事乘驪牲用元鄭注馬黑色曰驪爾雅曰駉牝驪牡元元黑類也正義爾雅釋畜駉牝驪牡元謂七尺曰駉牝者色驪牡者色元引之者證驪是元之類也周禮度人注引爾雅曰駉牝驪牝元駒裏驂賈疏駉中所有牝則驪色牡則元色兼有駒裏驂是鄭以驪元並爲黑類郭注爾雅讀牡字斷句義亦通文選荅賓戲注引小雅曰黔黑也說文黔黎也秦謂民爲黔首謂黑色也周謂之黎民易曰爲黔喙周禮牧人陰祀用黝牲

縞皓素白也

禹貢厥篚元纈縞某氏傳元黑縞縞白縉文選各賓戲養皓然之氣注項岱曰皓白也說文無皓字當从日作皓考工記凡畫績之事後素功鄭注素白采也後布之爲其易漬汚也論語績事後素鄭注繪事文

也凡繪畫先布衆采然後以素分布其間以成其文
 喻美女雖有倩盼美質亦須禮以成之是素爲五采
 之一儀禮鄉射記曰凡畫者丹質則丹地加采非以
 素爲質矣周禮司常九旗畫日月龍蛇之象亦以絳
 帛爲質也

彤粹縕朱赤也

廣韻粹同駢說文無粹駢周禮草人駢剛用牛注於
 書駢爲挈杜子春挈讀爲駢謂地色炎而土剛強也
 按說文瑋赤剛土也从土鱗省聲則几駢炎字並以
 瑋爲正字毛詩駢駢角弓音義駢息營反調和也說
 文作弱音火全反按說文鱗用角低俯僂也从犴牛
 从弓肩聲無引詩字說文鱗用角低俯僂也从犴牛
 角詩曰鱗鱗角弓蓋三家詩作弱音火全反毛詩作
 駢以鱗爲正音息營反駢字爲俗也玉藻一命縕韍
 幽衡再命夾韍幽衡三命夾韍葱衡注縕夾黃之間
 色所謂韍也毛詩朱芾斯皇家君王傳云芾者天
 子純朱諸侯黃朱室家一家之內宣王將生之子或
 且爲天子或且爲諸侯皆將佩朱芾煌煌然

吟本注

文據玉藻則天子諸侯皆名朱芾諸侯黃朱色稍淺耳易困九二困于酒食朱紱方來鄭注二據初辰在未未爲土此二爲大夫有地之象未上值天厨酒食象用于酒食者采地薄不足已用也二與日爲體離爲鎮霍交四爲諸侯有明德受命當王者離爲火火色交四交辰在午時離氣交又朱也文王將王天下制用朱鞅則唯天子爲朱紱故乾鑿度云天子三公九卿朱紱諸侯赤紱又困九五匡于赤紱虞翻注交紱謂二否乾爲朱故交坤爲紱二未變應五故困于交紱也按皆以朱紱爲五交紱爲二諸侯亦人君可當五位故詩與天子並稱朱芾也大夫赤紱較黃朱則又淺纒鞅交黃之間色又淺於交也玉藻正義云一命纒鞅一命謂公侯伯之士士冠禮爵弁鞅鞅此纒鞅則當彼鞅鞅故云所謂鞅也毛詩云鞅鞅茅蒐染齊人謂茅蒐爲鞅鞅聲也茅蒐則蒨草也以蒨染之其色淺交則纒爲赤黃之間色此朱交纒同色有淺淺之異耳說文朱交心木松柏屬从木一在其中絲純交也虞書丹朱如此从糸朱聲則朱交之朱正作絲經典段藉爲朱朱芾爲交之純色故天子爲朱芾也

淫溢沈滅沒也

書無淫于觀鄭注淫者浸淫不止說文淫浸淫隨理也浸卽沒義說文溢器滿也滿則沈沒餘皆常語

載功物事也

書熙帝之載史記作美堯之事孟子祇載見瞽瞍趙注載事也說文物萬物也禮記中庸誠者物之終始鄭注物萬物也亦事也又大學致知在格物鄭注格來也物猶事也其知於善淡則來善物其知於惡淡則來惡物言事緣人所好來也大戴禮衛將文子篇省物而不勲盧辯注物猶事也事省則不勲也管子問篇人之所害於鄉里者何物也物亦謂事又戒篇聖人上德而下功尊道而賤物注物謂名利之事竝以物爲事也

小爾雅訓纂卷第一

小爾雅訓纂第二

長洲宋翔鳳記

廣言二

晏明陽也盱晏晚也

說文晏天清也揚雄羽獵賦天清日晏文選注引許慎淮南注云晏無雲之處也漢書郊祀志至中山晏溫如淳注三輔謂日出清濟爲晏此晏爲陽義五經異義淳于登說云明堂在國之陽丙巳之地三里之外七里之內而祀之就陽位上圓下方八窗四闔布政之宮故稱明堂按明堂就陽位故言明也襄十四年左傳日盱不召注云盱日晏也

筭麗數也

說文筭長六寸計歷數者从竹从弄言常弄乃不誤也又算數也从竹从具讀若筭此筭當从具作算毛詩其麗不億傳麗數也

交艾老也僉皆同也

交字亦作俊方言六俊長老也東齊魯衛之閒凡尊老謂之俊孟子梁惠王篇孟子見梁惠王王曰交趙注交長老之稱也猶父也孟子太齊老而之魏故王尊禮之按史記六國表魏世家記惠王招賢孟子至梁在遊齊前孟子年未過四十惠王尊賢故以交稱之正是甲禮之證戰國秦漢於儒者皆稱先生其年不必盡老也故劉熙孟子注云交長老之稱依皓首之言謂尊禮孟子依白首之稱耳甚合情事趙注不可從儀禮喪服傳注嫂者尊嚴之稱嫂猶叟也叟老人稱也是交亦僅是尊嚴之稱嫂不必皆老人也曲禮五十曰艾注艾老也

交校報也

論語犯而不校

舒布展也揚翥舉也

方言翦舉也
楚謂之翦

索畧求也

方言畧求也就室曰按
於道曰畧畧強取也

奚害何也

害讀曰曷書湯誓時日曷喪孟子作時日害喪大誥
子曷其不于前寧人圖功云云漢書翟義傳曷字竝
作害

里度居也

論語里仁爲美鄭注里者民之所居也毛詩度之薨
薨又爰究爰度傳並云度居也漢書韋元成詩望我
舊階先后茲度臣瓚注古文宅度同周禮縫人注書
曰分命和仲度西曰柳穀音義度音宅古文宅與度
相似因此而誤書呂刑何度非及馬融注度造謀也
史記周本紀作何居非其宜則古文說以度爲居也

周浹匝也

浹字說文無周禮大宰挾日而斂之音義挾字又作
浹于本作帀荀子禮論方皇周挾楊倞注挾帀也史
記作房皇周浹索隱周浹猶周帀漢永康元年堯廟
碑委曲周帀則浹字正作挾匝字正作帀廣韻迺同
帀从辵蓋隸書有
此字遂譌爲匝

充咳備也

咳通作該文選注廿六引小爾雅曰充猶備也說文
咳兼咳也該軍中約也則作咳爲正吳語咳姓于王
宮韋注
咳備也

列厥陳也

厥當作厥傳寫之誤說文厥陳輿服於庭也从广欽
聲讀若歆周禮司服大喪其復衣服欽衣服奠衣
服厥衣服皆掌其陳序注故書厥爲淫鄭司農
云淫讀爲厥厥陳也元謂厥衣服所藏於棺中

輶輶也

輶說文作輶云車耳反出也。從車，反。亦聲。漢書景帝紀：「令長吏二千石車朱兩輶。」注：「應劭曰：車耳反出。所以爲之藩屏，翳塵泥也。輶以簞爲之，或用革如淳曰：輶音反，小車兩屏也。師古曰：據許慎《李登說輶車》之蔽也。左傳：「以藩載樂。」盈卽是有鄣蔽之車也。言車反出非矣。按說文：無輶字。顏蓋據李登所補以爲許氏原文。說文：車底謂之輿，車旁謂之輶，車兩騎爲輶。車輶上曲鈎爲較，車耳反出爲輶，輶輒較輶同在輿上。總謂之箱。周禮：巾車漆車，藩蔽注。藩，今時小車藩漆席以爲之。藩，輶字通用。云：漆席與應氏用簞之說合。太元積次四君子積善，至于車耳。測曰：君子積善至于蕃也。蕃，藩亦通。爾雅：輿，革前謂之鞅。郭注：以韋鞅車軾。又後謂之第。注：以韋鞅後戶。又竹前謂之禦。注：以韋鞅前戶。又後謂之蔽。注：以簞衣後戶。按：車耳在兩旁。爾雅云：後謂車軾後兩旁之耳。考工記：輿人云：參分其隧一在前，二在後。按云：一在前，謂式二在後。謂兩旁之較，俱以較爲後郭，以後爲後戶者非是。用簞者爲輶，用革爲第。蓋對文則異，散文則通。可廣。

雅釋器鞞鞞箱也方言箱謂之鞞鞞第聲之轉則許
李說鞞爲車蔽與應氏謂車耳反出正是一物師古
駁之非也說文又云軒曲鞞藩車閔二年左傳鶴有
乘軒者杜注軒大夫車正義服虔曰車有藩曰軒按
軒與鞞聲近可通用是大夫以上乃有車耳也釋名
鞞句也鞞上句也說詳廣器說文車輿輪之總名又
輿車輿也曲禮正義輿車牀也車牀以鬼衆物故廣
雅云輿舉也史記仲尼弟子傳公西輿字子上亦謂
輿在輪上也鞞輿之一物鞞在輿下此通釋
爲輿則非疑當作鞞鞞輿車也傳寫者脫耳

廢措置也

宣八年公羊傳云公其有聲者廢其無聲者何注廢
置也置者不忝也齊人語莊子徐無鬼篇爲之調瑟
廢一於堂廢一於室音義廢置也爾雅廢舍也郭注
舍放置也周禮大宰三曰廢置以馭其吏注廢猶退
也退其不能者舉賢而置之按廢置散文則義互通
也論語舉直錯諸枉注包曰錯置也舉正直之人用
之廢置邪枉之人則民服其
上音義錯鄭本作措投也

駕乘凌也

昭元年左傳猶詐晉而駕焉杜注駕猶陵也周語乘人不義韋注乘陵也爾雅大阜曰陵陵有加高之義故駕乘皆釋爲陵此段
凌陰之凌非正字也

收戢斂也

士冠禮記夏收注收言所以收斂髮也詩戢其左翼箋戢斂也

禁錄也

荀子脩身篇程役而不錄楊倞注錄檢束也又榮辱篇孝弟愿慤鞠錄疾力楊注鞠與拘同拘錄謂自檢束也檢束卽禁故釋禁爲錄列子楊朱篇拘此廢虐之主錄而不舍此錄亦有禁義

掌司主也偏贅屬也

宣十二年左傳韓獻子曰彘子以偏師陷偏師謂中軍之屬襄卅年左傳司馬令尹之偏杜注偏佐也佐

屬同誼毛詩具贅卒荒傳贅屬荒虛也襄十六年公羊傳君若贅旒然何注旒旒旒贅繫屬之辭若今俗名就增爲贅增矣

麗著思也

宣十二年左傳射麋麗龜服注麗箸也廣雅釋詁同晉語底箸滯淫注著附也心有所附箸然後思故麗箸並有思義

載畧行也

書有能奮庸熙帝之載鄭注載行也周語登年以載韋注同荀子榮辱篇使人載其事而各得其宜注載行也任之也能任事然後可行故訓行隱五年左傳吾將畧地焉杜注畧總攝巡行之名昭廿二年左傳苟吳畧東陽杜注畧行也淮南主術篇有大畧者注畧行道也

沓襲合也

楚辭天問天何所沓王逸注沓合也廣雅釋詁同周語三襲焉韋注襲合也三合惠夢卜也少儀劔則啟擯蓋襲之注襲御合之

抵享當也

東晉古文書咸有一德云克享天心傳享當也漢書谷永傳久享盛寵注享當也當取當受之義

庚徹通也

毛詩序由庚萬物得由其道也此庚取通義論語盍徹乎鄭注徹通也

脩舒長也

廣韻脩脯也又長也修理也說文飾也按此知脩長之脩从肉作脩經典脩修互通爾雅釋詁舒緒也說文舒伸也皆長義

校戰交也

上文交校報也報與交同義公羊莊十年傳
注舍兵血刃曰戰戰爲交鬪事故戰爲交

謁復白也

說文謁白也爾雅釋詁白告也曲禮問士之子曰能
典謁矣注謁請也謂能擯贊出入以事請告也又願
有復也注復白也齊語正月之朝鄉長復事韋注孟
子有復於王者趙注並同則謁復皆自下白上之詞
也

勅質正也

廣韻敕誠也正也固也勞也理也書也急也今相承
用勅勅本音賚說文敕誠也从支束聲勅勞也从力
來聲釋名敕飭也使自警飭不敢廢慢也誠飭皆所
以正爾雅釋詁敕勞也按說文則此勅當作敕釋詁
之敕當作勅顧野王玉篇敕誠也今作勅是敕勅二
字在晉時已不別故釋詁敕勞也郭注倫理事務以
相約勅亦爲勞已誤勅爲敕矣臯陶謨勅天之命某
氏傳勅正也則誤敕爲勅與此同質者士冠禮質明

月令莫不質良鄭
注並云質正也

裔蔑末也

說文裔衣裾也漢書藝文志六經之支與流裔顏注
裔衣末也方言爾雅釋詁並云裔末也晉語紹續昆
裔韋注裔末也裔一本作商士昏禮日入三商爲
昏疏商謂商量是漏刻之名故三光靈曜亦云日入
三商爲昏不盡爲明按馬云日未出日沒後皆二刻
半今云三商據整數宣和博古圖漢三神鑑銘曰吾
作明鏡幽涑三商並謂刻爲商商時之末故云末也
顧命于末小子韋元成傳云於蔑小子是蔑末同義
廣雅釋詁蔑末也蔑蔑通釋名蔑末也在足末也又
曰背傷矣曰曠曠末也創在兩目末也則凡蔑聲之
字皆兼從
末義也

延衍散也

毛詩野有蔓草傳蔓延也隱元年左傳無使滋蔓服
注同按蔓延則分散故延有散義毛詩及爾雅衍傳

衍溢也易衍在中也虞注
衍流也流溢皆有散義

未浸終也

召誥王末有成命某氏傳王終有天之成命周書皇
門萬子孫用末被先王之靈光孔晁注末終也禮記
中庸武王末受命鄭注末猶老也按毛詩文王序正
義尚書帝命驗云自三皇以下天命未去饗善使一
姓不再命然則文王已受赤雀武王又得白魚者一
姓不再命謂子孫既衰之後天不復重命使與耳非
謂創業之君也文王雖天意與之而仍未克紂復命
武王使之統一故再受命焉按此知詩言文王受命
爲始受天命中庸武王末受命爲再受天命末受命
者謂終文王所受之命也周書度邑云自發未生于
今六十年周本紀同自武王未生至克殷僅六十年
則年五十餘耳不得爲老文王世子云武王九十三
而終此別爲今文家所傳周書史記並古文學故不
同也浸說文作勳終也从夕勿聲重文媿或从曼經
典通

爲浸

比辨別也

說文化別也从人比聲詩曰有女此難又辨判也从刀辨聲

菲涼薄也

論語菲飲食馬注菲薄也方言同毛詩職涼善背傳涼薄莊三十二年左傳號多涼德杜注同說文涼薄也从水京聲按从欠者俗說文又云冠事有不善言冠也爾雅冠薄也从瓦京聲按說文所引爾雅今爾雅無此文當即此文漢志小爾雅與爾雅爲一家故許君即引爲爾雅不特王肅也小爾雅當時本涼字从瓦作冠蓋字可通用錄孔叢者改爲涼字矣廣雅釋詁冠禡也當本此禡與薄通

復旋還也

書卒乃復某氏傳復還也廣雅釋詁旋還也

祖翼送也

後漢書吳祐傳注引五經要義曰祖道者行祭爲道
路祈漢書臨江閔王傳注祖者送行之祭因饗飲也
故釋祖爲送多士非我小國敢弋殷命正義
鄭王本弋作翼鄭曰翼猶驅也驅有送義

走叩我也

文選東京賦走雖不敏薛綜注走公子自言走使之
人如今言僕矣走本襄卅年左傳使走問諸朝音義
走疾速之意也一日走使之人也服虔王肅本作吏
按不知絳縣人丰而問之無取疾速解走爲走使人
爲是後人以自稱故訓我也爾雅
釋詁叩我也毛詩叩須我友傳同

姓命孥子也

按命無子義當作姓命也孥子也周語不亦嬪姓矣
乎韋注賈唐二君云姓命也當卽本此說文無孥當
作帑經典皆作帑惟書甘誓子則孥戮汝史
記夏本紀孥作帑毛詩樂爾妻帑傳帑子也

諧籲和也

爾雅釋詁諧和也般庚率籲衆感某氏傳籲和也率
和衆憂之人說文籲呼也从頁籥聲讀與籥同商書
曰率籲衆咸按籲當从頁从籥籥亦聲說文龠樂之
竹管三孔以和衆聲也故說文龠籥字並从龠也

悛寤覺也

廣雅釋詁悛更也方言悛改也自山而東或曰悛按
覺寤則知改更也毛詩寤寐求之傳寤覺也周禮司
寤氏

注同

憾猜悞也

說文無憾字正作感禮記中庸人猶有所憾音義憾
本作感左傳隱三年降而不憾文十四年不可使畜
憾音義並云憾本作
感方言言十二猜悞也

艾盡止也

艾依說文作乂芟艸也从乂从人相交重文刈或从
刀經典通爲艾詩夜未艾箋云芟末曰艾左傳喪九

年大勞未艾杜注艾息也昭元年國未艾也杜注艾絕也艾未息絕皆止義

攔忿也

說文無攔字正作憫說文憫武兒也易君子以懲忿窒欲虞注乾陽剛武爲忿則忿與武義相近昭十八年左傳攔然授兵登陣服注攔然猛貌也杜注攔然動忿貌廣雅釋詁攔猛也攔竝當作憫

奸犯也

說文干犯也从反人从一又奸犯淫也从女从干干亦聲則干犯之干止作干宣十二年公羊傳以干干禍何注晉語則上下不干韋注文四年左傳其敢干大典以自取戾杜注東晉尚書允征以干先生之誅傳並云干犯也字皆作干宣十二年左傳事不好矣昭二十年左傳是再奸也杜注並云奸犯也莊子夫運篇音義引三蒼云奸犯也並段藉作奸文選運命論忠直之连於主注引小雅曰连犯也當是此處脫文

汨猾亂也

說文汨治水也从水日聲書序汨作某氏傳汨治也
治反爲亂亦轉相注洪範汨陳其五行某氏傳汨亂
漢書五行志應劭注同此汨當从水旁曰說文汨水
流也从川曰聲後人汨通爲汨離騷汨余若將不及
兮王逸注汨太貌疾若水流也又懷沙分流汨兮注
汨流也莊子達生與汨皆出郭象注回伏而湧出者
汨也皆以汨爲汨廣韻五質亦云汨同汨則二字可
通說文汨長沙汨羅淵屈原所沈之水从水冥省聲
此从水旁日唐元度九經字樣汨音骨从日又从月
者音覓曰音冒俗二字皆从日者竝非按字書無水
作曰元度之言謬甚俗刻汨多从水旁曰故詳箸之
說文無猾字當作滑周語滑夫二川之神韋注滑亂
也莊子齊物論滑疑之耀音義滑向本作汨則滑亦
通汨昭廿六年左傳無助狡猾音義滑又作猾堯典
蠻夷猾夏某氏傳猾亂也潛夫論姓氏篇引書作蠻
夷滑夏漢劉寬碑不滑其守知从犬作猾者俗字史
記夏本紀子欲聞六律五聲八音來始滑索隱云古
文在治忽今文作采政忽按索隱引今文卽馬鄭古

文云采政忽者采讀若辨辨別也政卽治忽卽亂滑與忽聲之轉故史記引古文說解采政忽爲來始滑來當爲采始當爲治寫史記者涉今文七始而誤滑解爲亂謂辨其治亂也唐人惑於東晉古文反以馬鄭古文爲今文讀索隱者遂茫然不辨有反疑漢書律歷志所引七始詠爲非今文今畧發此意別詳以焉

縮讀抽也

周語縮取備物韋注縮引也說文抽引也則抽縮同義毛詩不可讀也傳讀抽也箋云抽猶出也

暨捷及也

爾雅釋詁逮及暨與也公羊隱元年傳會及暨皆與也釋詁接捷也郭注捷謂相接續也相接有及義

苞跋本也

毛詩浸彼苞稂又如竹苞矣又實方實苞又如山之苞又苞有三繫傳竝云苞本也苞亦通包易否九五

繫于包桑集解陸績曰包本也言其堅固不亾如以
異繩繫也文選曹罔六代論豈非深根固蒂不拔之
道乎易曰其亾其亾繫于苞桑周德其可以當之矣
引易包作苞注引鄭元曰苞植也否世之人不知聖
人有命咸曰其將亾矣其將亾矣而聖人自繫於植
桑不亾也是鄭易从艸作苞植與本同義曲禮燭不
見跋注
跋本也

肆臬極也

呂氏春秋仲春紀無肆掠高誘注肆極也晉語肆侈
不違韋注同說文臬射準的也準的在正鵠之中考
工記匠人注中央樹八尺之
臬按極訓中故臬爲極也

睇題視也

說文睇目小視也方言睇眇也陳楚之間南楚之外
曰睇廣雅釋詁睇視毛詩題彼脊令傳題視也按題
當作題說文題顯也以見是聲廣雅釋詁題視也題
與題聲同形近而誤玉篇亦云題視也顯也廣雅十

二齊題視也十二霽題視
貌若題之爲視則無聞焉

犯肆突也

詩是伐是肆箋肆犯突也文十二年左傳
若使輕者肆焉周禮疏引舊注肆突也

束縻縛也

說文束縛也淮南齊俗綸組節束高
注同廣雅釋詁縻係也係縛同義

肆從遂也

書肆類于上帝某氏傳周禮鍾師肆夏注引呂叔玉
說夏小正理子肇肆傳並云肆遂也文選注引賈逵
國語注遂從也此
從訓遂轉相注

放投棄也

宣元年穀梁傳放猶屏也屏棄義同淮南脩務放驩
兕于三苗注放棄也毛詩投畀豺虎傳投棄也

莽蕪草也

說文艸衆艸也从四艸莽南昌謂犬善逐菟艸中爲莽从犬从艸亦聲則字正作莽莽爲段藉字說文蕪蕪也蕪蕪亦取衆艸之義草依說文作艸草斗櫟實俗以爲草木字非

暴映曬也

說文曬暴也轉相注廣韻映明也陽也映同說文無映映字毛詩旂旒央央又白旆央央傳並云央央鮮明也則映當作央字又按說文瑛玉光也或借瑛爲映亦通此釋爲曬亦取向日鮮明之意衆經音義廿二引小尔疋暴乾也當是此處脫文也

焮晞也晞焮乾也

昭十八年左傳行火所焮杜注焮炙也廣韻去聲焮火氣所同焮廣雅釋詁焮也說文無焮焮字宜段所爲之徐鍇說文繫傳云所猶焮也日炙物之貌說文晞乾也焮字俗當與晞同淮南說山上食晞棵高

注晞
乾也

迪迹蹈也

臯陶謨允迪厥德某氏傳迪蹈廣雅迪蹈也釋名蹈道也說文述步處也从彖亦聲重文蹟或从足責爾雅釋訓不蹟不道也楚詞惜誦言與行其可迹兮王注所履爲迹

衍演廣遠也表從長也

文選西征賦注引小雅曰演廣遠也衆經音義二引小尔疋曰從長也廣橫也凡南北曰從東西曰橫衆經音義六引小尔疋表從長也易大衍之數五十音義鄭云衍演也王廙蜀才云廣也楚詞天問其衍幾何王注衍廣大也廣雅釋詁衍大也後漢安帝紀注衍猶引也文選注蒼頡篇演引也釋名言語衍延也言蔓延而廣也說文演長流也引延長竝有遠義也言廣遠也說文南北曰表東西曰廣是橫長曰廣從長曰表也周本紀諸侯爲從裴注文穎曰關東爲從關西爲橫孟康曰南北爲從東西爲橫正義關東地

南北長爲從六國共居之關西地東西廣廣爲橫
秦獨居之淮南覽冥縱橫閒之注蘇秦作縱張儀連
橫南與北合爲縱東與西合爲橫衆經音義三引詩
云從橫其畝韓詩傳云南北曰從東西曰橫毛詩衡
從其畝音義衡亦作橫韓詩云東西耕曰橫從足容
反韓詩作由云南北耕曰由蓋他書多稱橫從罕見
橫由故衆經音義引韓詩已同毛學也
東方朔七諫王逸注云緯曰橫經曰從

荷揭擔也

衆經音義十四四分律第四十肩拘今作何胡可反
小余正云拘揭擔也又廿二瑜珈師地論四十荷乘
古文柯今作何同胡我反又胡歌反小余正何揭擔
也謂擔負也按音義廿二引此作何字爲正說文何
詹也从人可聲毛詩何戈與殺又何簣何笠傳並云
何揭也論語荷蕢荷篠竝通作荷音義又云古文柯
今作何按柯當从手旁可廣韻七歌柯擔柯俗按說
文柯爲也此通爲詹何之何則柯非俗字手旁何乃
俗耳說文揭高舉也廣雅釋詁擔舉也賈誼過秦論
揭竿爲旗筦子七法擔竿而欲定其末尹知章注擔

舉也知揭擔同義說文儋何也二字轉注儋當作人旁詹从手俗

仍再也徇歸也

徇說文作徇經傳通爲徇或从夂作徇竝俗孟子以道殉身趙注殉從也漢書賈誼傳貪夫徇財臣費注曰身從物曰徇從歸義同一本作徇肆也按肆當作肆上文肆從遂也肆亦有從義史記五帝紀幼而徇齊裴注徇疾也廣註肆疾也故徇肆同義

工官也

書允釐百工史記作信斂百官毛詩嗟嗟臣工傳工官也

稽考也

廣雅釋詁稽考問也書曰若稽古魏志高貴鄉公紀云賈馬及肅皆以爲順考古道

顛殞也

易大過顛也虞注顛殞也哀十一年左傳顛越不恭服注同殞依說文作隕從高下也

躋陞也

爾雅釋詁躋陞也郭注公羊傳曰躋者何陞也今公羊傳陞作升陞是俗字

戕殘也

易闕其戶闕其无人自藏也音義藏衆家作戕馬王肅云殘也鄭云傷也書戕敗人宥鄭注戕殘也

勦截也

勦當从刀作勦依說文作剝說文剝絕也从刀𠂔聲周書曰天用剝絕其命按今甘誓剝作勦某氏傳勦截也絕截同義至从力之勦說文云勞也

辟除也

荀子解蔽辟耳目之欲注辟屏除也

恩惠也

昭六年左傳主不恩賓杜注恩惠也說文廣雅釋詁竝云恩憂也憂患義同

謫責也

謫說文作謫罰也

閒非也

舊注無閒言

方言廣雅竝云閒非也

順退也抗禦也

說文抗扞也扞禦同義衆經音義廿四引小尔疋禦抗也禦當也

斲取也

斲字通斲莊子逍遙遊爲一世斲乎亂郭注世以亂故求我音義李頤云斲求也荀子儒效跨天下而無

蘄注蘄求也求取義同太史公自序錯
生蘄徐廣曰一作蘄知蘄蘄可通用也

蚩戲也

衆經音義廿二引三蒼
蚩輕侮也輕侮卽戲義

褊狹也

狹說文作陝隘也从阜夾聲
廣雅釋詁褊隘也字亦作陬

恚忌也

舊注趙襄
子恚智伯
定四年左傳恚閒王室哀廿七年左傳趙襄
子由是恚知伯注竝云恚毒也忌毒義同

沮疑也

說文無沮字當作阻儒行沮之以兵注沮謂恐怖
之也廣雅阻疑也閔二年狂夫阻之注亦云疑也

虧損也毀壞也判散也

毛詩繼猶判渙
傳判分渙散也

蔽斷也

昭十四年左傳叔魚蔽罪邢侯杜注蔽斷也音語及蔽獄之日注蔽決也斷決同義蔽又通作弊周禮大宰以弊邦治

注弊斷也

交俱也俘罰也夷傷也枳害也

韓子外儲說樹枳棘者成而刺人西山經浮山多盼木枳葉而無傷郭注枳刺針也能傷人故名云故言害者曰枳尚書大傳不赦有過謂之賊逆率過以心謂之枳管子侈靡貪動枳而得食矣凡言枳者皆耳

義害

締閉也

說文締結不解也廣雅釋詁締結也呂氏春秋君守魯鄙人遺宋元王閉高注閉結不解者也故此締解

爲閉

靡細也

文選長門賦靡靡而無窮注引郭璞方言注靡靡細好也殷本紀靡靡之樂亦謂其聲纖細也

辨使也

酒誥勿辨乃司民某氏傳辨使也說文辨治也从言在辨之間按治使義相近字正作辯經典通爲辨鑿子尙同中維辯使治天均則此語尙同下維辯而使助治天助明也辯字宜訓使

牧臨也

周禮建其牧按牧有臨民之義故釋爲臨方言十二牧察也察臨義相近

嘗試也賴羸也

齊語相示以賴晉語已賴其地二注並云賴羸也說文同

若乃也

周語若能濟也注若猶乃也老子寵辱若驚音義顧云若而也而乃義同聲亦相轉

嗟發聲也

文選西京賦注引小雅曰嗟發聲也說文作嗟咨也爾雅釋詁嗟咨嗟也文選吳都賦注引爾雅曰嗟咨也人發語端也按此當爲爾雅舊注文

奏爲也

毛詩以奏膚功傳奏爲也

振救也

說文振舉救也

庸償也

庸通作傭說文庸用也从用从庚庚更事也按凡言中庸及功庸之庸竝從此說文傭均直也从人庸聲按凡言庸保庸衆及庸常也之庸竝當依此作傭經傳俱假藉作庸此償也亦謂相直均平故釋爲償庸自以作傭爲正爾雅釋詁庸常也相直均平而後有常故知彼庸字亦从人也毛詩小雅昊天不傭傳傭均直也音義引韓詩作庸則雖可通段而實非一字如中庸庸德庸言當訓爲用而鄭注庸德之行云云猶常也鄭蓋以此本非有常字之訓故言猶以譬之下文中庸其至矣乎注云庸常也不言猶以已見義於前也文選過秦論材能不及中庸史記始皇紀賈子新書並作中人知中庸字誤則中庸之庸與庸常之庸迥非一字矣公羊襄廿二年何注傭傭無管目後漢劉盆子傳傭中佼佼此常庸之庸而竝以人則傭白正字而庸爲段藉也

賈價也

王制命市納賈注賈謂貴賤厚薄也漢書食貨志賈平則止顏注賈讀曰價凡漢書價字皆作賈論語我

待賈者白虎通商賈篇引作我待價者也說文無價字正作賈班氏据魯論語蓋隸書有價字何晏所注本出古論故作賈小爾雅西京儒者所述時隸書盛行故滋俗字也

贍足也

文選上林賦注引小雅曰贍足者也說文無贍字漢書食貨志曰澹其欲師古曰澹古贍字

曹偶也麗兩也

說文曹獄之兩曹在廷東从棘治事者从曰按兩卽偶義易明兩作離又麗也又麗澤兌麗皆兩義麗亦通麗聘禮束帛儷皮又通麗說文方言廣雅竝云麗數也方言郭注云偶物爲麗故云數也按偶卽也毛詩干旄正義引王肅云古者一轅之車駕三馬則五轡其大夫皆一轅車夏后氏駕兩謂之麗殷益以一駟謂之駟周人又益一駟謂之駟其云駕兩謂之麗蓋本此

驟數也

晉語多而驟立文十四年左傳驟施于國二注並云驟數也數所角反

逞快也

方言三逞曉悵苦快也自關而東或曰曉或曰逞江淮陳楚之閒曰逞自關而西曰快廣雅釋詁逞快也

越遠也姑且也哿可也

說文哿可也从可加聲詩云哿矣富人昭八年左傳哿矣能言杜氏注哿嘉也嘉可古同音故亦訓嘉

釋解也庸善也

衆經音義廿三廣雅庸和也小爾雅庸善也謂不善人也鄭康成三禮目錄名曰中庸者以其記中和之爲用也中庸喜怒哀樂之未發謂之中發而皆中節謂之和是和者謂中之用故庸可訓和和則善故又

善爲

荐重也

爾雅釋天仍饑爲荐。吳語都鄙荐饑。韋注荐重也。荐亦通游。經典作游。易水存至習坎。又游雷震並謂重也。

登升也

爾雅釋詁登陞也。陞字俗與升同。周禮羊人登其首玉藻登席二注竝云登升也。

勵勉也

勵當作厲說詳廣詁

赫顯也。韙是也。丕莊也。

爾雅釋詁丕大也。說文同。莊讀爲壯。爾雅說文竝云壯大也。檀弓柳莊古今人表作柳壯。知與壯通。

佞才也

魯語寡君不佞。成十六年左傳諸臣不佞。韋昭杜預竝云佞才也。說文佞巧譎高材也。則佞亦是才能之

稱故論語或曰雍也仁而不佞謂仲弓無口才微生
歛謂孔子曰無乃謂佞乎謂無乃自以爲才乎在或
人及微生口中自以佞爲美故當時自謙曰不佞孔
子稱焉用佞又云惡夫佞者謂人當務實不宜以才
能先人也論語子曰是故惡夫佞者猶曰不可者欲令
路以子羔爲學藝可仕矣而孔子猶曰不可者欲令
愈精愈究也而於時有以佞才惑世竊位要名交不
以道仕不由學以之宰牧徒有民人社稷比之子
則長短相形子路舉茲以對者所以深疾當時非美
之也夫子善其來旨故曰是故惡夫佞者所以辟時
豈譏由乎

壑息也

舊注民之攸壑

毛詩伊予來壑又民之攸壑傳並云壑息也

語善也

毛詩告之語言傳
語言古之善言也

愿謹也丰豐也

毛詩子之丰兮
傳丰豐滿也

都盛也

廣雅釋詁都大也又
聚也大聚有盛義

腆厚也

公羊昭廿五年傳不腆先
君之服何休注腆厚也

肆緩也

書告災肆赦襄九年左傳
肆眚孔杜竝云肆緩也

競逐也

說文競彊語也一曰逐也从詒
从二人詩職競用力箋競逐也

紀基也

毛詩有紀有堂傳紀基也

基忌教也

宣十二年左傳楚人基之杜注基教也又定四年蔡啟商基問王室哀元年基澆能戒之廿七年起車由是基知伯杜並云基毒也按說文與舉也从刀車陷楚人爲舉之則宣十二年之基字當依說文作卑基忌同義故亦解爲毒惠徵士棟解基聞王字云管蔡開商叛周之心而教之藥開以圖王室知此基亦解爲教也西京賦天啟其心人基之謀薛綜注基教也古文基當通爲忌翔鳳聞諸葆璞先生曰說文基字下引周書曰來就基基卽秦誓未就子忌來未字相近基忌古今文之異上基字當爲子字之誤今文尚書曰惟古之謀人則曰來就子基基者教也謂人君當來就教也孟子曰故將大有爲之君必有所不召之臣欲有謀焉則就之此來就子基之說也惟

今之謀人姑將以爲親詣今之謀臣則自來親近我
如蹇叔百里奚皆是故云雖則云然尚猶詢茲黃髮
則罔所愆也古文尙書作忌忌當依此訓教忌亦通
認說文認誠也廣雅釋詁認告也淮南繆稱云日之
精者可以消澤而不可以昭認高誘云昭道認戒也
不可教道戒人告戒并教也淮南繆稱又云認戎狄
之馬可以馳驅認亦爲教忌又通蕃說文蕃忌也从
言其聲周書曰上不蕃于凶德今書多士作爾尙不
忌于凶德則凡蕃蕃
忌認古並通用也

整願也整強也

整爲整之俗字唐張參五經文字云敕今皆作勅
整字从此據此則整亦从勅矣左氏昭十二年經公
子懋出奔齊公羊經懋作整音義整本作懋哀十二
年左傳晉悼公子懋亡在衛音義懋本作整懋整二
字傳訛自久故晉語以整御人韋昭注整願也今宋
明道本國語正文及注懋竝作整與此正合知此整
字亦當改懋矣說文懋問也謹敬也从心欸聲一曰
說也一曰甘也春秋傳曰昊天不懋又曰兩君之士

皆未愁按玉篇引說文甘字作且哀十六年左傳不
愁遺一老杜注愁且也與說文同作甘者誤小雅不
愁遺一老音義愁魚覲反爾雅云願也強也且也按
爾雅無此文凡陸德明音義孔穎達正義引爾雅而
不在爾雅者如賚之初筵正義引射張皮謂之侯云
云小弁音義引小而腹下白云云並小爾雅文則此
強也下當脫愁且也三字宜補入晉語愁庇州犁焉
注愁願也楚語吾愁寘之於耳注愁猶願也詩十只
之交箋云愁者心不欲自
強之辭也愁亦愁之俗字

薄迫也

煇炊也

資取也

舊注左氏
煇之以薪
孝經資於事父孔傳資取也喪
服傳不足則資之宗鄭注同

質信也

餼饋也

說文氣饋客芻米也从米氣聲春秋傳曰齊人來氣
諸侯重文槩氣或从既重文餼或从食按氣是餼之
正字雲氣之氣說文作气經典段氣爲雲气字凡氣
皆从食旁氣今左傳本作餼杜注孰日饗生日餼

憑依也

說文馮馬行疾也从馬夂聲徐鉉曰經典通用爲依馮之馮今俗別作憑非是

藉借也

說文籍簿書也从竹藉聲藉祭藉也一曰艸不編狼藉从艸藉聲藉帝藉千畝也古者使民如借故謂之藉从耒昔聲此所釋卽帝藉之藉以藉爲正字此从廿段借字也漢書文帝紀開籍田應劭曰籍者帝王典籍之常也此段籍爲藉故以典籍釋之隸書省艸爲廿周禮甸師耕耨王藉王制藉而不稅宣十五年左傳穀出不過藉開成石經毛詩實畝實藉皆从卅卽竹也借字說文無許氏說文解字敘曰六曰假借漢刻武梁祠像亦有借字蓋出於隸書古文借當作藉墨子尚賢云假藉而用我假藉卽假借詩小雅借曰未知漢書霍光傳引作藉曰未知戰國策藉路於仇讐之韓魏新序藉作借又呂覽任數篇凡耳之聞也藉於靜注藉假也管子任法篇藉人以其所操史記陳涉世家藉第令毋斬藉並是今借字史記游俠

傳以軀借交報仇漢書游俠傳作以軀藉交報仇
師古曰藉古藉字也藉謂借助也是藉又通藉

際接也

爾雅釋詁際接翼捷也孟子交際趙注際接也淮南
本經上際青雲高注同際又通療小雅苑柳無自療
焉箋云療接也

闕限也

說文闕外閉也後漢虞詡傳云不令有所拘闕音懷
注闕與礙同說文礙止也廣雅礙闕也衆經音義一
礙又作闕郭璞以爲古文礙字衆經音義四引通俗
文云限至曰礙法言問道篇礙諸以禮樂宋衷注礙
限則此闕字
正與礙同

廬寄也

說文廬寄也秋冬去春夏居公羊宣十五年傳何休
注云在田曰廬在邑曰里漢書食貨志云六尺爲步

步百爲晦晦百爲夫夫三爲屋屋三爲井井方一里是爲九夫八家共之各受私田百晦公田十晦是爲八百八十晦餘二十晦曰爲廬舍又云在壄曰廬在邑曰里春令民畢出在壄冬則畢人於邑故廬爲寄衆經音義九小尔疋云廬寄也謂寄止也亦別舍也黃帝爲廬以避寒暑春秋去之冬夏居之故云寄止也以廬避寒暑冬夏居之與說文漢書異者非是

萃集也

毛詩有鴉萃止傳萃集也方言同

箴倅也

說文箴倅兒从艸造聲玉篇箴字在竹部昭十一年左傳遠氏之箴音義說文箴从艸蓋隸書相亂从竹久矣當据說文正之杜注左傳云箴副倅也文選西京賦屬車之箴薛綜注箴副也長笛賦聽箴弄者注箴弄小曲也並同倅義倅字說文無當作萃周禮車僕云掌戎路之萃廣車之萃闕車之萃萃車之萃輕

車之萃注萃猶副也此五者皆兵車所謂五戎也按萃與戎僕倅車之倅同彼倅亦俗字也穆天子傳七萃之士正謂五戎之萃七字當作五古五字如七相近而誤郭璞穆天子傳注解萃爲集非是

尤怪也

昭廿一年左傳張句尤之杜注尤怪也又廿八年左傳有尤物注尤異也怪異義同

曹慚也

文選魏都賦有覲曹容劉淵林注曹愧也慚愧義同

索空也素故也

廣雅釋詁一索盡也盡亦空也昭十二年左傳八索九邱正義引張平子說八索周禮八議之刑系空空設之索亦通素左傳八索音義本或作素尔疋釋草素華軌騶音義素又作索知二字互通毛詩不素餐兮傳廣雅釋詁三並云素空也釋名典藝云八索索素也著素王之法若孔子者聖而不王制此法者有

八也春秋序正義云孔子家語稱齊太史子餘歎美孔子言云天其素王之乎素空也言無位而空王之也此並以素為空也儀禮喪服飯素食注素猶故也謂復平生時食也漢書高帝紀素易諸吏顏注素故也謂舊時也

視比也徯往也

說文無徯字當作皇小雅先祖是皇箋皇之言往也又通作睢魯頌烝烝皇皇箋皇皇當作睢睢往猶徯往也文選甘泉賦溶方皇於西清注方皇即徯徯荀子禮論方皇周挾注方皇讀為仿俚知皇為徯之本字也

矜惜也

矜字當作矜今漢唐扶頌不侮矜寡洪适隸釋石經論語殘碑則哀矜而勿喜是漢人隸書並從矜說文矜矛柄也从矛今聲玉篇矜巨巾切矛柄也矜同上又居陵切自賢也按上巨巾切是古音下居陵切

是今讀也詩苑柳三章矜與天臻韻桑柔一章與旬
民填天韻何草不黃與云民韻則古音在十七真在
十二部今讀在十六蒸在第六部廣韻上平十七真
有矜字云矛柄也又鉏耨也古作矜巨巾切下平十
六蒸有矜字云本矛柄巨巾切字樣借爲矜字按
廣韻兩處並音巨巾則不當入蒸韻矣然依說文讀
今聲又在侵韻爲弟七部按華嚴音義廿二引說文
矜字則以矛旁合詩東方未明令與顛韻虛令與
韻十月之交與電韻是令古音在十二部則矜爲令
聲作矜爲是今傳說文本誤耳余疋釋訓矜憐撫掩
之也矜憐二字疊韻書多方子惟率肆矜爾論衡雷
虛篇引作子惟率夷憐爾論衡引論語則哀憐而勿
喜是不特矜餽通用卽矜憐亦通用協以緇聲之義
自以令聲爲是也此訓惜與憐同義宋明道本國語
晉語不可以矜而祇取憂也又今矜狄之善韋注並
云矜大也明馮夢禎本史記匈奴傳索隱曰韋蒼云
鋌小矛鐵矜古今字詁云矜矛矜也又漢書揚雄傳
顏注鋌鐵矜小矛也矜音巨巾反凡矜字並从令

狂快也

覲望也

爾雅釋言狃復也音義孫郭云狃狃復爲也桓十三
年左傳莫敖狃於蒍騷之役杜注狃狃也後漢西羌
傳狃狃邊利注狃狃慣習也廣韻十四泰狃狃也狃
从大聲从犬非也文選西京賦心奢體狃狃狃狃也
曰狃狃西征賦狃狃淫嬖之凶忍注引小雅曰狃狃也
按狃狃狃狃說文並無苟子議兵狃狃之慶當注狃狃與
狃同西京賦薛綜本作心奢體泰注云泰亦爲狃狃與
之狃言習於麗好按綜此注知狃並通泰隸書以字
篆祇作泰也管子小匡曹孫宿之爲人小廉而苛狃
注云音逝苛密狃察也言多所慣習也狃亦當恣作
狃史記漢興以來諸侯年表狃邪臣計謀索隱曰狃
音誓狃訓習言習於邪臣之計謀故爾雅云狃猶狃
也按爾雅無此文當卽是小爾雅此語而顛倒其
耳按恐狃之狃自音丑律反狃狃之狃音時制反與
讀狃者正同漢書武帝紀狃于邪說注服虔曰狃音
裔應劭曰狃狃也師古曰作狃者非則狃字亦有作
矣狃者

一切經音義廿五卷又作覲同鞞致反小爾雅云覲望也文選登樓賦注引國語賈注覲望也

何任也

毛詩百禱是何傳何任也音義何本又作苛苛爲荷之誤廣雅釋詁易何天之衢虞注並云何任也

御侍也

詩小雅飲御諸友又授几有緝御箋並云御侍也月令三公九卿諸侯大夫皆御注同

殿填也

毛詩殿天子之邦傳殿鎮也成二年左傳此車一人殿之杜注殿鎮也說文無填字此當作鎮

選擇也宣示也

小爾雅訓纂第二